

վորութեան ժամանակին, կացոյց 'ի տեղի իւր զԱբրահամ եպիսկոպոս որդի Իսկէնտէրի որդւոյ Ապտուլահի Բերիացւոյ, այր խոհեմ և մտացի հմուտ ամենայն գործոց կառավարութեան, զոր ինքն ընտրեալ էր յառաջադոյն, և ետ հաստատել զիշխանութիւն նորին մօրհակաւ դատաւորին և և մեծամեծացն այլազեաց . և դարձ արարեալ 'ի վանս՝ նստոյց զԱբրահամ յաթոռ Պատրիարքութեան, յանձն արարեալ նմա զամենայն հոգս և զյանձանցանս ամբողջն, և ինքն առանձնացաւ 'ի սենեկի ուրեք մինչ 'ի վախճան կենաց իւրոց . 'ի թուին՝ ԼՁ\ (1485) : Սոյն այս Աբրահամ գնեաց տուն մի 'ի կալուած Ս . Յակոբայ (1492) :

Յոյն Արարացի պատմիչն յառաջ բերէ զճանապարհորդութիւն Գաղղիացի կրօնաւորի ումեմն Նիգոլայ կուրն անուն, ուր ասէ՝ եհօս նա յերուսաղէմ եւ իջեանեցաւ 'ի վանս Միոնի ճոխացեալ հարստութեամբ ընծայիւք թագաւորացն Եւրոպացւոց . և վանքն էր 'ի տեղւոյ յայնմիկ, ուր Քրիստոս կատարեաց զխորհուրդ Ընթրեաց և 24 կրօնաւորք Լատինաց բնակէին անդ, տեսուչ նոցին կոչէր պահապան Ս . Երկրին . 2 քահանայք նոցին բնակէին 'ի տաճարն Ս . Յարութեան . եւ թէ Լատինք երկնչէին 'ի բազմութենէ Յունաց, զի Գերեզմանն Քրիստոսի էր 'ի ձեռքս նոցա, և մեծ եկեղեցին Բեթղեհէմի՝ էր 'ի ձեռս Լատինաց, և կոչէին զնա յանուն Ս . Աստուածածնի, արեւելին նաեւ այրին Ծննդեան, ունէին և զսլ վանս 'ի Սիոն, ուր բնակէին 6 հաւատաւոր կանայք : Հայք ունէին զՍ . Յակոբ և զՍ . Փրկիչ : Եւ էին յերուսաղէմ Մարոնիտք, Ասորիք, որք Յակորիք կոչին, Քիլտանիք, որք են Նեստորականք, և Գպտիք . սորա ամենեքեան բազմութեամբ բնակէին յերուսաղէմ, եւ Հրէայք էին անձինք իբրեւ 300 : Բայց Վրացիք 'ի սմին ժամանակի էին 'ի մեծի յարգանս ընդ իշխանութեամբ Սուլթանոցն Նգիպտոսի . և պատճառ այսրմ, զի ծագումն Սուլթանաց էր յաշխարհէն արեւելոց, և Վիրք գերի վարէին զլեռնարնակ Չէրքէզս, և Սուլթանք յիչէին զաղբատոճմն իւրեանց, գիտէին նաեւ զգորութիւնս Վրաց, և պատուէին զուխտաւորս նոցա, որք մտանէին յերուսաղէմ երկվարօք և զինուք, և ոչ տային հարկս 6-